

Loi



3643

kat. komp.

III.

Mag. St. Del.


P

*Banaszewic Adami Casimiri: Ortus Bethlehemitici Prochi-*

POETAE POLONI

N. 2546







O R T V S  
BETHLEEMITICI PHOEBI  
Supra Christiani Chemisphærij  
Chorizontem Orientis  
Stellâ iter monstrante

TRIBVS REGIBVS

de Sabba Venientibus,

NATIVITAS

Filij DEI Unigeniti

ex Maria Virgine in Bethleem nascentis,

I N F E S T O

TRIVM REGVM


D E P R E H E N S V S.

& pio cultu Venerabundoq; applausu

<sup>A</sup>  
M. ADAMO CASIMIRO BANASZEWIC,  
in Alma Vniuer: Crac: Philosophiæ Doctore,

A D O R A T V S.

Anno à primò ortu Phæbi huius lucidissimi 1687. 6. Ianuarij.



C R A C O V I Æ,

Ex Officina Francisci Cezary, S. R. M. Illustris. ac Rndis. Dñi. Episcopi  
Crac. Ducis Seneriæ, Neenon Schol. Nouoduorisc. Typ.



In Stemma Illustrissimi Domini,  
**NICOLAI OBORSKI**  
 Episcopi Laodicensis Suffraganei Cracou:



LILIA dum niueis Vernant Tibi candida gemmis.  
 Lacte Tuam casto tangere nata togam.  
 Cernimus hoc in Te quando trahis omnia flore  
 Pectora odorifero publica fisq; salus;  
 Hæc Tua sunt floris cælestia pharmaca semper  
 LILIA de manibus sunt medicina Tuis.

IOSEPHVS FIRLEY de Konary KONARSKI,  
 Eloquentiæ in Alm: Vniuer: Crac: Auditor.

BIBLIOTHECA  
 VNIV.  
 CRACOVENSIS

UNIV.  
 CRACOVENSIS

3643. III.





Illustrissimo & Reuerendissimo Domino,

D. N I C O L A O  
O B O R S K I,

EPISCOPO LAODICENSI.

Suffraganeo Cracouiensi, Genera-  
li in Spiritualibus Dioecesis Cracouiensis

OFFICIALI & VICARIO

Dño Dño & Patrono amplissimo.

**S** Erò licet Orientis inter quæuis lumina luci-  
dissimi Bethleemitici Phæbi, non extra tamen  
temporis feriam: quia cum Regibus, dum in  
Christiani Chemisphærii Chorygonte ortum  
adoro. Genthliacum nascenti carmen apud  
Te interea occino Illustrissime Domine. Nesciëram  
ad Te iter, nisi stella hæc, quæ supra ortum Bethleemiticarum  
cunarum illuxit, mihi monstrasset. nec etiam par fui cum Pa-  
storibus die ipso. Natiuitatis rudi quidem sed cælo dilectâ arun-  
dine ad fores Tuas meditari, sed potius cum Regibus, redeun-  
tem Serenissimi Phæbi istius, quod fausto oculo aspexeris vul-

tum Ti.



tum Tibi gratulari. Noui quod altis montibus primam semper orditur lucem Phœbus; Tua verò Columna Liliata tam sublimis est ut rara humana manus, Sola Diuina verticem eius cum corona attingat; ac proinde ipso die Natiuitatis eius Tibi lux oriri debebat, sed non me tarditas hæc confundit quam excusant modò primùm Salutantes Reges. Ago id eò confidentius quo perspèctius mihi notum est à Te & seram non reprehendi gratulationem: semper enim ortus huius Solis Tibi gratissimus est, amplius quàm quinquaginta annis per Manus Tuas in Sacramento altaris lucet, verè non sub modio sed magno cum totius Christiano-Lechici Orbis Solatio; Virtus Tua & Sapientia quotidiana est eius hucusque *matrix*, cuius hic prætereo laudes quas vniuersus loquitur Orbis) quâ non assistente vitarem hunc Planetam nec indignissimis labiis meis splendidissimum ortum eius adorare Phæton auderem. Nunc verò cum sub Tuo nomine ortum eius adoro etiam in Tuum nomen benignissimas eius influentias precibus dirigo. stet diuturnius Herculeâ, eius influxu columna Tua Liliata (quæ tot scandunt cælos animæ.) Conseruet copiosissimo Diuinæ benedictionis rore Lilia Tua hic Planeta splendidissimus, ut hic expertia omnis pruinæ floreant quam diutissimè, in cæleste verò viridarium transplantata coronas Tibi nectant. Ita Tibi de cælo grandinent sacra & felicissima omnia plenæ Liliæ Manus, quod Votis immortalibus opto.

Illustrissimæ & Reuerendissimæ Dominationis Vestræ

Clientum minimus

M. ADAMVS BANASZEWICZ,  
in Alma Acad: Crac: Philosophiæ Do-  
ctor & Professor.

ORTVS



# O R T V S

Bethleemitici Phœbi Salutatus.

Salve post nubila Phœbus  
post attras superstitionum tenebras  
**Lux & Via Dulcissime Iesu**

*Veritatis diem exordiris ego Te elinguis saluto Memnon :  
quia nunquam adhuc ad ortum Tuum publicè locutus sum,  
nec potest hic aliquis Harpocrates lingua favere, cum omnis  
amica silentij decessit nox, dies lætitiæ succedere  
qui semper facundi habentur,  
iubilandum quemq̃ oportet.*

Qui quanquam necdum in Meridie Hierosolimitana stetisti  
vbi Magnam lucem & influxum Sanguinis  
in tenebras & aridam terram efusus es,  
in prima Scansione Chorisontis Bethleemitici ita  
refulsisti Spei humanæ vt amplius non desperaret.

**Vere initio ortus tui**

Mundus aspexit optatam lucem,  
cui antea cum tulpis foedus cum latebris commercium fuit.

Qui in tenebris delitescibat hucusq̃  
iam Magnæ lucis clementiori orbitâ lustratur;  
&

quem fecerat conflagrare iniquissimus primi nostri  
*Parentis ausus, eum iam extinguunt vorantes  
cœli & pluentes nubes.  
omnesq̃ qui ambulauimus in tenebris cœlo detrusi Phaetontes,  
lucē iam fruimur amabili.*

**Redis in orbatum luce Chorisontem**

o lucidissime Planeta!

Sed certe etiam felici aureum currum Tuum in nostram vallem  
dirigente Morrice

**SS. Virgine Maria,**

*(quæ etsi Filia Filiorum illius imperiti aurigæ Adæ nimirum sit,  
ipsa tamen gnara regendi.*

*sape degenerant in melius Filii veriùs dicam Filia.*

Hæc sola sub vesperam hanc visus omnium nostrum  
obnubilantem tenebras non sensit.

Plusquam Lynceæ felicitatis

Δ

Sola



Sola ante sæcula præuisa nullam maculam  
 originalis culpæ in se habitura.  
 Aurora atram vitiorum noctem serenans  
 & ortum Solis huius in mundum spargens)  
 X & Ita illuxisti ut nullus sit tam profundus locus  
 quem non radij Tui attingant.  
*Profunditas inferni plena Tuo splendore*  
*Incolarum eius rapina iam in aprico sunt,*  
*quæ latere hucusq; poterant,*  
 Et non est id felicitatis quidquid cæco Marte occuparunt.  
 Nec ultra vobis grassari animarum vespertilioes facile est  
 Venit tenebris Vestris hostis dies:  
 nempe priuauit vos amicâ infestandi nocte  
 ut nihil possitis,  
 ceu pisces aliquando in littore Neptunus aquis,  
 Lucidissimus hic Planeta.  
 aperuit cæcum Martem & illuminauit,  
 quæ lux vobis inimica est.  
 noctes & ferales bobones cedite;  
 non iam ampliùs de die hoc tonabitis voces:  
 nec ad vestros cantus gens humana gemit  
 clade suæ salutis afflictâ.  
 Omnes hinc abeste procul abeste lemures;  
 Phœbus aureo vultu radians  
 delosa vestra stratagemata prodit, Et astutias  
 eò grauiiores quò magis sub nebulam seuientes.  
 Iam periculosa transijt nox,  
 cuius fat hucusq; fuerat  
 securiùs & nos contra vestros nocturnos motus euigilabimus,  
 nemo latro animarum,  
 quas parasti sub nebulam technas,  
 illis iam meditare uti  
 nisi enormiter ipse velis in easdem incidere.  
 vndiq; benè nobis cedit.  
 Quid etiam a benigno hoc Planeta!  
 nil nisi serena dies & propitij influxus sperandi,  
 ad quos à tot sæculis arida terra  
 rideat tota facie sua non ampliùs  
 Spinas datura.  
 arescentia abhinc ne dicas eius arua  
 habet enim copiosum rorem  
 Phœbus hic benignissimus,  
 quo exustum vigorem eius augebit ac seruabit

*gemina-*



*germinabit semper terra virentem herbam,*

*Iniquas celi iniurias non timet.*

*grando & omnis pruina non est nocitura illi,*

*agente & influente benignissimo hoc ac lucissimo Phæbo.*

**His Tuis influentijs o splendidissime Titan,**

*calefactus ad ortum tuum gestio.*

*ferò quidem sed Reges de Sabba venientes,*

*excusant tarditatem, qui etiam hodie*

*ortum tuum adorant & muneribus excipiunt.*

*Aurum quidem ego non fero, nec thura quia non de Sabba venio*

*Myrrha & hæc mihi mira*

*arundo tibi rudis placeat quâ didicit meditari musa mea.*

*Etsi Reges hodierni pro Regnorum suorum necessitatibus*

*ad te supplicarunt & inuenerunt*

*It clamor cælum Regni nostri, Musâ meâ*

*supplicante ad te; atq; vel maxime*

*ut quæcunq; inimica Christianis sydera deficient in influxu suo.*

*Lunæ Othomanicæ facile Anaxagoras defectum patefaciat.*

*utiq; quò hic Planeta propior soli eò minus lucis habet*

*Scintilla in igne non apparet nec lymphe in mari cuius est.*

*Pallidam hanc experiatur Othomanus.*

*quando nos Te splendidissimum & fulgentissimum adoramus*

*qui secum omnia trahis sydera.*

*non videat amplius cum Xenophane viros & Regna*

*in luna sua; quia verius in tua hæc sunt potestate.*

**Verificetur Homerus**

*vestes lunam exuere & induere*

*ut hæc Othomanica que tot induit Regna exuatur illis;*

*si creuit decrescat: quia luna nunquam in eodem sistit*

*Sol autem semper in plano & pleno est.*

*Lunatici isti non sint diuturnæ felicitatis,*

*sit pænes nos solares felicitas hæc:*

*qui scilicet Te solem adoramus & veneramur.*

*Sta omnibus Iosuis Christianæ fidei*

*nec mouere ex apogio eorum*

*donec isti Gabaonidæ prosternantur.*

*Scio apud Euripidem Sororem Solis esse Lunam;*

*sed hæc Tibi nullius est cognitionis.*



*eclypsetur ad Tuos fulgentissimos rados.  
ego ulterius incomprehensibilia vestigia Tua  
per Christiani Chemisphærij Chorizontem  
nescio nec audeo sequi ;  
ne forsan inscius viarum ; Et nimis audax in Erydon decidam  
Sufficit mihi te adorare Orientem Phœbum  
cui cultui si impar, suppleant hodierni tres Reges,  
in quorum petita cum influxit gratia Tua  
Velis agere quam benignissimè in Regni nostri  
& totius Christianitatis necessitates omnes  
luceq; præsis, qui semper omnem  
hominem venientem in hunc mundum  
illuminans es lucidissimus.*

## P H O E B V S

Post tenebras mundi quibus huius clima-  
ta pressa,

Horrida post nûbila fulget amœnus ei.

### ODE DICOLOS TETRASTROPHOS.

**N**egligens recti vetitum per omne  
Ire gens audax, homini negatis  
Impijs pennis petijt volare,  
Decidit alto.

Dædalus ponto vitreo, solutus  
Lege, quam præscriptam habuit, -  
Daturus & suum nomen Pater ille primus  
Posteritatum &

Merfa gens longo maduit dolore,  
Faucibus totis bibit æquor illud,  
Cerberi lymphas violenter vrgens,  
Gurgite vasto.

Nulla lux fulsit radians natanti,  
Densa nox tantum tenebras per omnem  
Orbis hanc axem, dabat ac sonabat  
Æolus atrox.



Sæua tunc moti rabies profundi,  
Et nimis certans Aquilo timendus,  
Semper & tristes Hyadas pluentes  
Sensimus Orbe.

Nec Pharos luxit renuit fauere  
Quæq; stellarum, latitauit vmbris  
Mundus errauit spoliatus alti  
Lumine cæli.

Lumen obduxit radiantis oris,  
Mysticus Phœbus Phaetontis ausu  
Texit heu Mundum! miser vt periret  
Ignibus atris.

Solis ergo iam spoliata vultu,  
Castor haud Pollux radiauit vllus,  
Pressa gens vmbris gemitus tonabat,  
atq; dolores.

Fundit ad cælos pia vota errans,  
Et vocat Diuos penitus ruendo  
O Deus tandem venias precamur,  
Respice gentem?

Héu nimis longis cruciamur vmbris,  
Noctis huius iam pereant tenebræ,  
Et pluant nubes, madcantque cæli  
Imbre beato.

Sicnè tam tristi tumultata fundo  
Semper has vmbras patieris o gens!  
O Veni in lucem procul omnis exest,  
Vmbraq; noxq;

His tuis tandem grauibus querelis  
Pone mensuram facias modumque  
Ac cadentem spem modo tolle sursum, ac  
Erige mentem.



Grando non semper metuenda culmo.  
Irruit, nubes fugiunt tremendæ,  
Tollit obscuro Notus albus Orbe.  
Nubila sæpè.

Iam nouercantes abeunt tenebræ  
Et polo noctes oriente Phœbo.  
Attra tempestas filet atquè quæuis  
Orbe querela.

Surgit in mundi faciem Planetes,  
Aureo vultu veniens Olympo,  
Et iubet gentis senium renatam  
Ferre inuentam.

Bethleem nobis ab amoris igne  
Ore festiuo micat, atquè ridet,  
En Deus cunas homini sacratas  
Occupat infans.

Alta cælorum iuga negligendo  
Vertices summos Superis beatos,  
Scandit ad terram, teneamus vt nos  
Culmina cæli.

Despicit Summus validos triumphos,  
Quando despectæ petit ima terræ,  
Supplici cultu famulatur illi  
Bos A sinusq;

Angelus psallit, resonatq; nomen,  
Fistula pastor canit ad nitorem,  
Dona fert Magus, noua gaudiorum  
Messis abundat !

Lætius viuit genus omne tandem,  
Territus Pluto lachrymatur ipse  
Audiit postquam radiare Phœbum.  
Væ tonat acre.



Noctuæ tristes sonuere voces  
Ante, stentores venerantur ortum  
Iam modo, luctus gemebunda voxque  
Exulat omnis.

Tristis ergo non mancas querelis  
Quisque, sic Pindus latices refundit,  
In nouum vitæ genus & viroris  
Surgite mentes.

Cum dies nobis redit & refulget  
Lætior, tandem procul este planctus.  
Atque mærentes procul ô querelæ  
Cedite tristes.

Turcicæ Lunæ radios. cruentos,  
Solis. est. virtus. tenebrare Lunam,  
O Deus. vincas. potiore. semper  
Luminis ortu.

Nempe. quanquam. sat. nimium. furorem,  
Et. Getæ. semper. minitentur. arcum.  
Nulla. Mauortis. metuamus. arma  
Te Duce Phœbo.

Lucidum. nil. est. sine. te. quod. orbis.  
Tendat. ad. lucem, sacra. lampas. ergo.  
Ire. fac. nostram. sine. nube. Vitam.  
Poscimus à Te.





...  
...  
...  
...

...  
...  
...  
...

...  
...  
...  
...

...  
...  
...  
...

...  
...  
...  
...

...  
...  
...  
...





Biblioteka Jagiellońska



stdr0025626



